



Kriminalomsorgen sine regionkontor  
Kriminalomsorgen sin høyskule og utdanningssenter

KDI 3/2018

Vår ref:  
201808446-1

Dato:  
14.06.2018

## **UNDERSØKING FOR Å AVDEKKE BRUK AV RUSMIDDEL - BRUK AV SPYTTPRØVER (SALIVA) I KRIMINALOMSORGEN**

### **1. Bruk av spyttprøver for å avdekke eventuelt misbruk av rusmiddel**

I medhald av straffegjennomføringslova § 29, § 3-26 i forskrifta og punkt 3.32 i retningslinene nyttar kriminalomsorgen i dag fleire metodar for å avdekke mogleg misbruk av rusmiddel under gjennomføringa av straff eller i varetektsopphaldet.

I medhald av punkt 3.32 i retningslinene kan slik kontroll gjennomførast ved "*urinprøve, utåndingsprøve, blodprøve eller eventuelt andre mindre inngripende undersøkelser som for eksempel undersøkelse av kroppsvæsker som spytt og svette.*"

I kraft av dette rundskrivet blir tilgangen til å nytte spyttprøver for å avdekke eventuell bruk av rusmiddel utvida til å gjelde på same måten som høve er for urinprøver.

### **2. Bakgrunnen for å ta i bruk spyttprøver regelmessig i kriminalomsorgen**

Kriminalomsorgen har i samarbeid med Oslo universitetssykehus gjennomført testar av spyttprøver for påvising av rusmiddel. Resultata viser at metoden er både effektiv og presis. Fordi gjennomføringa av sjølvprøvetakinga er rekna å vere mindre inngripande enn dei andre metodane kriminalomsorgen har heimel til å nytta, legg ein til grunn at bruk av spyttprøver er ein eigna metode for å avdekke mogleg illegalt inntak av rusmiddel.

Ei spyttprøve vil generelt vere å føretrekke framfor urinprøve og andre metodar, men i enkelte høve vil ei urinprøve fortsett vere det beste alternativet for ein effektiv kontroll. Kva for type situasjonar som krev ulike metodar å teste på, vil framkome av oppløringa som blir gjeve for ruskontroll.

### **3. Gjennomføring av ruskontroll ved spyttprøve**

Sjølv gjennomføringa av ruskontrollen ved bruk av spytt, skjer i samsvar med den framgangsmåten som kjem fram av prøvesettet som blir rekvirert frå Oslo universitetssykehus.

Gjennomføringa elles skal på same måten som for urinprøvetaking, skje under påsyn av to tenestepersonar.

**4. Endring og oppdatering av punkt 3.32 i retningslinene til straffegjennomføringslova**

Kriminalomsorgsdirektoratet arbeider for tida med ei generell oppdatering av retningslinene gitt til straffegjennomføringslova og forskrifta til denne. Også punkt 3.32 vil bli oppdatert og reflektere innføringa av spyttprøver som standard ruskontroll i eigna situasjonar.

**5. Iverksetjing**

Rundskrivet gjeld omgåande.

Med helsing



Marianne Vollan  
direktør



Jan-Erik Sandlie  
assisterende direktør